

四庫全書存目叢書編纂委員會編

齊魯書社

四庫全書存目叢書

史部
第二七九冊

責任編輯：孫言誠 賀 偉

ISBN 7-5333-0535-3



2-B83/05

四庫全書存目叢書·史部二七九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 52.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二七九冊目次

史部·史評類

史通二十卷

〔唐〕劉知幾撰 〔明〕李維楨評 郭孔延評釋
湖北省圖書館藏明刻本

一

史通訓故二十卷

〔明〕王惟儉撰
南京圖書館藏明萬曆刻本

三〇〇

史通訓故補二十卷

〔清〕黃叔琳撰
湖北省圖書館藏清乾隆十二年黃氏養素堂刻本

四七九

宋忠肅陳了齋四明尊堯集十一卷

〔宋〕陳瓘撰
中國科學院圖書館藏清康熙十八年陳孔頊刻雍正三年陳象瀚補修本

七〇〇

致堂讀史管見三十卷（卷五卷六卷九卷十卷十三至卷三十配元刻本）（一）

〔宋〕胡寅撰
北京圖書館藏宋嘉定十一年衡陽郡齋刻本

七五七

史通二十卷

〔唐〕劉知幾撰 〔明〕李維楨評 郭孔延

評釋

湖北省圖書館藏明刻本

附《四庫全書總目·史通評釋

二十卷》提要

史通序

大泌山人李維禎撰

夫自二儀既判垂玄象之文萬
肇化生彰紀事之實蒼頡沮誦
以前造物代爲敷揚山川曲爲
攄寫何必人抽金匱之藏世擅

史通序

如椽之筆哉墳典爰播柱下斯
守而麟史以後南董載淪子長
孟堅組繪其形管蔚宗承祚粉
藻其丹鉛伯起伯深標長於北
朝安國休文脫穎於江表非不
英華秀發波拂縈洄然皆通敵

相妨訾譽各半故謗書傳於後
世受金沸於羣言參夷之刑求
米之誚亦或不免下此諸子又
可知已子玄生於右文之世學
窮書圃思極人文包洪荒於天
外剖纖細於棘端出海瓊光熠

東通序

二

耀靡定走盤園影迴旋恐失成
案如山斤剗理解或有別標識
鑒振人心意者足以生擘太華
之峰直立東溟之水非苟効何
休之駁做謝該之解已也余抽
酉穴諷誦積年牀版幾磨縹囊

數易真好在心卷不離手豈敢
伸知已於千秋庶以揭芳美於
來禩通而無蔽非子玄其孰當
之或曰白虎通風俗通皆以通
名當與子玄爲埒答曰白虎通
止於條對而博雅未該風俗通

東通序

三

止於釋疑而文頗不典烏可與
子玄例也卽長文擬易爲通玄
時人比之楊雄太玄由今觀之
其猶在通與蔽之間也抑余又
有感焉作史者不犯天災則罹
人眚如班氏傷子長遇極刑而

亦不免身陷大戮子玄數世擣
華嬈美應氏以通乎史者通乎
其遇洵乎其可尚也已



東通序

四

史通序

郭孔延

張唐父先生再刻陸太史校定劉子玄史通於豫章
竣寄家君黔中張先生手校爲增七百三十餘字去
六十餘字而曲筆因習二篇增補缺畧已成全書家
君讀而喜以新刻寄延曰張先生爲觀察而手不釋
書猶諸生也爾曹爲諸生乃不諸生也予甚有其意
黔中亡籍子家史通蜀本吳本再校之刻中如干寶
之于揚雄之楊墨劭之邵常璩之據苻堅之符當是
寫誤可發舊本細爲校定延自長安歸循環校閱再

史通

序

加芟正篇中史官姓名如左氏遷固古今共推者可
以無釋自孔衍荀悅以下俱爲著其爵里間以已意
爲之評論雖未必合作者之意祇承嚴命終陸張二
先生功耳約而言之考究精覈義例嚴整文簡古議
論慨慷史通之長也薄堯禹而贊操丕惑春秋而信
汲冢訶馬遷而沒其長愛王劭而忘其佞高自標榜
前無賢哲史通之短也然則徐堅所云當置座右者
以義例言良非虛譽而宋祁所云工訶古人者以誇
詡言亦非誣善矣延又因之有感焉子玄自敘史通

方諸太玄太玄數百年後爲張衡陸績所重第史通
後來張陸則未之知不謂今千年後首刻于陸太史
再刻于張觀察爲子玄之平子公紀也二姓俱同事
豈偶然亦可謂子玄忠臣矣

史通

序

劉子玄自序

長安二年余以著作佐郎兼修國史尋遷左史於門
下撰起居注會轉中書舍人暫停史任俄兼領其職
今上卽位除著作郎太子中允率更令其修史皆知
故又屬太駕還京以留後在都無幾驛徵入京專知
史事仍遷秘書少監自惟歷事二主從官兩京遍居
司籍之曹久處載言之職昔馬融三入東觀漢代稱
榮張華再典史官晉朝稱美嗟予小子兼而有之是
用職司其憂不遑啓處嘗以載削餘暇商榷史篇下

史通

序

一

筆不休遂盈筐篋於是區分類聚編而次之昔漢世
諸儒集論經傳定之於白虎閣因名曰白虎通子既
在史館而成此書故便以史通爲目且漢求司馬遷
後封爲史通子是知史之稱通其來日久博采衆議
爰定茲名凡爲廿卷列之如左合若干言除所附篇
凡八萬二
千三百五十二字註
五千四百九十八字
于時歲次庚戌景龍四年仲春
之月也

劉子玄傳

劉子玄名知幾以玄宗諱嫌故以字行年十二父藏器爲授古文尚書業不進父怒楚督之及聞爲諸兄講春秋左氏冒往聽退輒辨析所疑嘆曰書如是兒何怠父奇其意許授左氏踰年遂通覽羣史與兄知柔俱以善文詞知名擢進士第調獲嘉主簿武后證聖初詔九品以上陳得失子玄上書譏每歲一赦或一歲再赦小人之幸君子之不幸又言君不虛授臣不虛受妄受不爲忠妄施不爲惠今羣臣無功遭遇

史通

傳

輒遷至都下有車載斗量把推挽脫之諺又謂刺史非三載以上不可徙宜課功殿明賞罰后嘉其直不能用也時更橫酷淫及善人公卿被誅死者踵相及子玄悼士無良而甘於禍作思慎賦以刺時蘓味道李嶠見而歎曰陸機豪士之流乎周身之道盡矣子玄與徐堅元行冲吳兢等善嘗曰海內知我者數子耳累遷鳳閣舍人兼修國史中宗時擢太子率更令介直自守累歲不遷會天子西還子玄自乞留東都三年或言子玄身史臣而私著述驛召至京領史事

遷秘書監時宰相韋巨源紀處訥楊再思宗楚客蕭

至忠皆領監修子玄病長官多意向不一而至忠數責論次無功又仕偃蹇乃奏記求罷去因爲至忠言五不可曰古之國史皆出一家未聞藉功于衆唯漢東觀集羣儒纂述無主條章不建今史司取士滋多人自爲苟袁家自爲政駿每記一事載一言閣筆相視含毫不斷頭白可期汗青無日一不可漢郡國計書上太史副上丞相後漢公卿所撰先集公府乃上蘭臺故史官載事爲廣今史臣唯自詢采二史不注

史通

傳

二

起居百家弗通行狀二不可史局深籍禁門所以杜顏面防請謁也今作者如林儻示褒貶曾未絕口而朝野咸知孫盛取嫉權門王劭見讎貴族常人之情不能無畏三不可古者史氏各有指歸故司馬遷退處士進姦雄班固抑忠臣飾主闕今史官注記類稟監修或須直辭或當隱惡十羊九牧其令難行四不可今監者不肯指授修者又不遵奉務相推避以延歲月五不可又言朝廷厚用其才而薄其禮至忠得書悵惜不許楚客等惡其言誠切謂諸史官曰是子

作書欲置吾何地始子玄修武后實錄有所改正而武三思等不聽自以爲見用於時而志不遂乃著史通內外四十九篇議評今古徐堅讀之歎曰爲史氏者宜置此坐右也又嘗自比揚雄者四雄好雕蟲小伎老而爲悔吾幼喜詩賦而壯不爲期以述者自名雄準易作經當時笑之吾作史通俗以爲愚雄著書見尤於人作解嘲吾亦作釋蒙雄少爲范曄劉歆所器及聞作經以爲必覆舊說吾始以文章得譽晚談史傳由是減價其自感槩如此子玄內負有所未盡

史通

入傳

三

乃委國史於吳兢別撰劉氏家史及譜考上推漢爲陸終苗裔非堯後彭城叢亭里諸劉出楚孝王囂曾孫居巢侯殷不承元王按據明審議者高其博嘗曰吾若得封必以居巢紹司徒舊邑後果封居巢縣子鄉人以其兄弟六人俱有名號其鄉曰高陽里曰居巢累遷太子左庶子兼崇文館學士皇太子將釋奠國學有司具儀從臣著衣冠乘馬子玄議古大夫以上皆乘車以馬爲駢服魏晉後以牛駕車江左尚書郎輒輕乘馬則御史劾治顏延年罷官乘馬出入閭

里世稱放誕此則乘馬宜從褻服之明驗今陵廟巡謁王公罔命士庶親迎則盛服冠履乘駱車他事無車故貴賤通乘馬比法駕所幸侍臣皆馬上朝服且冠履唯可配車故博帶褒衣華履高冠是車中服轡而銕蹠而鞍非唯不師于古亦自取驚流俗馬逸人顛受噉行路太子從之因著爲定令開元初遷左散騎常侍嘗議孝經鄭氏學非康成注舉十二條左證其謬當以古文爲正易無子夏傳老子書無河上公注請存王弼學宰相宋璟等不然其論奏與諸儒質

史通

入傳

四

辯博士司馬貞等阿意共黜其言請諸家兼行惟子夏易傳請罷詔可會子颺爲太樂令抵罪子玄請於執政玄宗怒貶安州別駕卒年六十一子玄領國史且三十年官雖徙職常如舊禮部尚書鄭惟忠嘗問自古文士多史才少何耶對曰史有三長才學識世罕兼之故史才少夫有學無才猶愚賈操金不能殖貨有才無學猶巧匠無榱桷斧斤弗能成書善惡必書使驕君賊臣知懼此爲無可加者時以爲篤論子玄善持論辯據明銳視諸儒皆出其下朝有論者輒

豫歿後帝詔河南就家寫史通讀之稱善追贈工部尚書謚曰文六子貺餽彙秩迅迴

貺右拾遺餽集賢院學士知史官父子三人更泄史官著史例頗有法終荆南節度使秩給事中閬州刺史房琯比之劉更生迅京兆功曹參軍房琯比之黃叔度迴進士御史吉州刺史孫貺子滋開元二年拜相決龍武參軍稱孝子餽子贊都團練觀察使

史通

傳

五

史通舉正論

于慎行

粵自左史記事右史記言石室蘭臺權輿遐邇矣然而遷回云往代罕稱良寥寥芳猷千載莫嗣吁其難矣唐有劉子知幾夙以英資獨秉淵覽三爲史臣兩入東觀博極載籍馳騁古今提要鉤玄括囊殆盡觀其史通所述自三墳五典之書前史素臣之紀兩京三國之纂中左江右之曆亦有汲冢古篆禹穴遺編金匱之所不藏西崑之所未備莫不採厥淵源總其統系摭摭押問靡有遁形斯以勤矣爾其神識融洞取舍嚴明操筆有南狐之志摘詞有班馬之文充其蘊藉不足稱一代良史哉而乃好奇自信抱見深文小則取笑於方家大則得罪於名教惜也難得之才遺此無窮之恨是以慨然爲之太息畧而原之蓋其罪有二而其失有三堯禹爲聖辛癸爲凶自有生民所共睹而信傳疑之語遵好事之說以汲書爲龜策以六籍爲土苴信其言也則丹朱不帝重華有桀壇之謀蒼梧不返文命有膠舟之志桀紂不道如陳琳草檄之誣西伯戡黎如桓溫拜表之專遂使皇圖帝

錄萃逋逃之藪瓊家瑤室儼垂拱之規是可忍也孰不可忍茫茫萬世人安適歸侮聖之罪一也夫儒者之言折衷孔子皇皇經藉赫若日星刪述所加各有攸當如讓湯斬桀則紀言之史不陳魯國無風則登歌之頌已錄而不窺聖意輒謂有私至所斷據則魏丕曰舜禹之事吾知之也何其不信大聖權輿之準而信辭臣依附之言人之不聰一至於此而能品藻人倫勸懲來世者乎離經之罪二也夫史猶繪也善繪者具人之象貌而必得其精神善史者擬事之故

史通

論

二

實而必得其命脉是故詞有煩而不殺事有細而靡遺欲其一披簡書而千古如覩也公素亡祭牲錄門人致問之詞子罕哭介夫載覘者反報之語此左氏之神也仲連見新垣衍則介紹之詞畢載王孫從孔渤海則醉呼之狀具陳此史談之妙也而子玄朝畧榛蕪一切刪去讀之索然了無神彩是猶操公輸之墨而規矩蟠龍之技執神禹之鑿而溝洫呂梁之水也天下之奇觀何從而睹之哉其失也淺夫立言之旨固貴本質而褒貶之詞或多擬議是以書有漂杵

之文而詩載子遺之詠也今焉執西州之無魚而疑趙盾魚食之事謂太原之無竹而惑郭侯竹馬之迎以烏啼花笑駁智不如葵之言以中山磨笄評無恤最賢之語是必譌輟軒之使而後方物不遺本篆籍之形而後書法無爽也其失也固夫人之哲愚區以別矣而品流靡一風軌固殊必得其情談何容易今也游夏列儒林冉季稱循吏是不知達者之規模也項羽爲羣盜蜀漢爲僭君是不知英雄之梗槩也疑曹操見匈奴無崔琰在坐之事是不究奸謀之說也

史通

論

三

謂阮籍聞母喪無圍棋飲酒之事是不問放達之風也其失也昧嗟乎才識特達有如子玄而舛錯不經彰彰如是諒哉史之難也夫磨纖毫之瑕則完盈尺之璧刮數寸之朽則成合抱之材是故表而正之使其全書不廢于世云爾

史通總目

內篇 共三十六篇

第一卷

六家第一

第二卷

二體第二

載言第三

本紀第四

世家第五

史通

目錄

列傳第六

第三卷

表曆第七

書志第八

第四卷

論贊第九

序例第十

題目十一

斷限十二

編次十三

稱謂十四

第五卷

採撰十五

載文十六

補注十七

因習十八

因習十九 亦曰邑里

第六卷

史通

目錄

言語第二十

浮詞二十一

敘事二十二

第七卷

品藻二十三

直書二十四

曲筆二十五

鑒識二十六

探賸二十七

第八卷

摹擬二十八

書事二十九

人物第三十

第九卷

覈才三十一

序傳三十二

煩省三十三

第十卷

史通

目錄

三

雜述三十四

辨職三十五

自敘三十六

體統

批繆

弛張

外篇 共十三篇

第十一卷

史官建置第一 總十四條

第十二卷

古今正史第二 總十八條

第十三卷

疑古第三 總十二條

第十四卷

惑經第四 二十二條

申左第五

第十五卷

點繁第六 十一條

史通

目錄

四

第十六卷

雜說上第七 一十五條

第十七卷

雜說中第八 十六條

第十八卷

雜說下第九 二十五條

第十九卷

漢書五行志錯誤第十 四條

五行志雜駁第十一 十五條

第二十卷

暗惑第十二 十四條

忤時第十三

史通

目錄

五

史通目錄
卷之五
尚書家者其先出於太古易曰河出圖洛出書聖人則之故知書之所起遠矣至孔子觀書於周室得虞夏商周四代之典乃刪其善者定為尚書百篇孔安國曰以其上古之書謂之尚書尚書璇璣鈴曰尚書上也上天垂文以布節度如天行也王肅曰上所言之所主本於號令所以宣王道之正義發話言於臣下故其所載皆典謨訓誥誓命之文至如堯舜二典直序人事禹貢一篇惟言地里洪範總述災祥顓命

萬年增補卷主人

史通總目

史通卷第一

卷一

唐劉子玄知幾撰

明李本寧維禎評

附郭孔廷延年評釋

內篇

自古帝王編述文籍史言之備矣古往今來質文遞變諸史之作不恒厥體推而為論其流有六一曰尚書家二曰春秋家三曰左傳家四曰國語家五曰史記家六曰漢書家今略陳其義列之於後

史通

卷一

一

尚書家者其先出於太古易曰河出圖洛出書聖人則之故知書之所起遠矣至孔子觀書於周室得虞夏商周四代之典乃刪其善者定為尚書百篇孔安國曰以其上古之書謂之尚書尚書璇璣鈴曰尚書上也上天垂文以布節度如天行也王肅曰上所言之所主本於號令所以宣王道之正義發話言於臣下故其所載皆典謨訓誥誓命之文至如堯舜二典直序人事禹貢一篇惟言地里洪範總述災祥顓命

都陳喪禮。茲亦爲例不純者也。又有周書者。與尚書相類。卽孔氏刊約百篇之外。凡爲七十二章。上自文武。下終靈景。甚有明允篤誠。典雅高義。時亦有淺末恒說。滓穢相參。殆似後之好事者所增益也。至若職方之言。與周官無異。時訓之說。比月令多同。斯百王之正書。五經之別錄者也。自宗周既殞。書體遂廢。迨乎漢魏。無能繼者。至晉廣陵相魯國孔衍。以爲國史所以表言行。昭法式。至於人理常事。不足備列。乃刪漢魏諸史。取其美詞典言。足爲龜鏡者。定以篇第。纂成一家。由是有漢尚書。後漢尚書。漢魏尚書。凡爲二十六卷。至隋秘書監太原王邵。又錄開皇仁壽時事。編而次之。以類相從。各爲其目。勒成隋書八十卷。尋其義例。皆准尚書。原夫尚書之所記也。若君臣相對詞旨。可稱則一時之言。累篇咸載。如言無足紀。語無可述。若此。故事雖脫略。而觀者不以爲非。爰述中葉文籍大備。必剪裁今文。模擬古法。事非改轍。理涉守株。故舒元所撰漢魏等篇。不行於代也。若乃帝王無紀。公卿缺傳。則年月失序。爵里難詳。斯並昔之所忽。

史通

卷一

二

而今之所要。如君懋隋書。雖欲祖述商周。憲章虞夏。觀其體制。乃似孔氏家語。臨川世說。可謂畫虎不成。反類犬也。故其書受嗤當代。良有以焉。

評曰。先王據龍圖。握鳳紀。南面以君天下。紀言書事之篇。典核精工。非後人所能闢其門戶。卽尚書逸篇。出於齊梁之間。攷其篇目。猶謂非孔氏壁中之真者。不列于正篇之中。而况衍劭僅馳騁煩言。以紊彝敘者乎。

史通

卷二

三

附評子玄首駁尚書爲例不純。次駁逸周書。滓穢相參。可謂眼空千載。前亡古人矣。而突以守株之衍。畫虎之劭。繼之不幾於狗尾續貂乎。若以其自名漢魏尚書。隋書便以繼尚書。則班范漢書。猶賢於衍劭也。衍劭尚不足窺班范之藩籬。而况可議唐虞之典謨乎。子玄又謂君懋隋書。似孔氏家語。家語亦論語之亞。何子玄輕以予劭也。附評周書七十二章。卽汲冢中逸周書也。子玄既知爲孔氏刊約之外。又云似好事者增益。奈何據以爲真。便疑堯禹。豈後之好事者增益。反質於孔。

子之刪述邪王劭隋書子玄推高而首崇畫虎不成之請要之酌之受嗤在侯開皇不在義例不精也疑孔子而信汲冢孔子惡侯子玄好酌此二者史通之病根故首爲之論著焉

孔安國漢武時人孔氏有古文尚書孔安國以今文字讀之因以起其家逸書得十餘篇蓋尚書茲多於是會遭巫蠱未立於學宮安國爲諫大夫授都尉朝而司馬遷亦從安國問故遷書載堯典禹貢洪範微子金縢諸篇多古文說

史通

卷一

四

孔衍字舒元孔子二十二世孫也晉中興補中書郎出爲廣陵郡撰述百餘萬言

臨沂王肅字恭懿南齊秘書丞太和十七年奔魏歷官儀同三司注國語

晉太康汲郡盜發魏安釐王冢得竹簡書周書其一也凡七十篇序一篇在其末相傳以爲孔子刪書所餘陳氏云文體與古文不相類似戰國後人倣效爲之者李仁父曰劉向班固所錄並著周書七十一篇且謂孔子刪削之餘而司馬遷記武王

克殷事蓋與此合豈西漢世已得入中秘其後稍隱學者不道及盜發冢乃幸復出邪篇目比漢多同但闕一耳必班劉司馬所見者也書多駁辭宜孔子所不取抑戰國處士私相綴續託周爲名逸周書有時訓解第五十二比月令多同然又有月令解有目亡書職方解第六十二則與周官無異矣

王劭字君懋北齊待詔文林館時祖孝徵魏收陽休之等嘗論古事有所遺忘問劭劭具論所出一

史通

卷一

五

無年誤入隋遷秘書少監劭在著作專典國史撰隋書八十卷詞義繁雜遂使隋代文武名臣善惡之迹埋滅無聞初撰齊志爲編年體二十卷復爲齊書紀傳一百卷及平賊記三卷文詞鄙野然其指摘經史謬誤爲讀書記三十卷時人服其精博李延壽曰劭究極羣書雅好著述崇詭怪之說尚委曲之談文詞鄙穢體統繁雜直愧南董才無遷固徒煩粉墨不足觀采經營符瑞雜以妖詭爲河